



ROLEX
Franch Michelsen
 ÚRSMÍÐAMEISTARI
 LAUGAVEGI 15 • SÍMI 511 1900
 WWW.SVISS.IS

MARKAÐURINN

Sögurnar... tölurnar... fólkid...

Vistvænn kostur!
GUÐJÓNÓ
 VISTVÆN PRENTSMÍÐJA
 Sími 511 1234 • www.gudjono.is

Miðvikudagur 3. september 2008 – 36. tölublað – 4. árgangur

Veffang: visir.is – Sími: 512 5000 **visir**

Orðskýringin
 Hvað eru uppboðs-skuldabréf?



6

Ríkisstjórnin lokar augunum
 Leitað verður lausna



4-5

Pór Sigfússon
 Efnahagsundrið engin bóla



6

XL í endur-fjármögnun

Vonir standa til þess að endur-fjármögnun á XL Leisure Group takist í þessari viku, að því er fram kemur í breskum fjölmiðlum. Óttast hafði verið að tafir yrðu á slíku samkomulagi, en Barclays og Straumur Burðarás, sem eru helstu lánadrottningar XL, hafa tekið þátt í samningafundum síðustu daga. XL Leisure er þriðja stærsta fyrirtæki í Bretlandi á sviði ferðaþjónustu. Fyrirtækið tapaði tæplega fjórum milljörðum króna á síðasta rekstrarári, samfara því að skuldir félagsins jukust stórlega.

Greiningardeild Landsbankans bendir á að Eimskip hafi selt félagið í október 2006 til stjórnenda þess og hóps fjárfesta fyrir um 38 milljarða króna. Við söluna gekk Eimskip í ábyrgð fyrir láni að upphæð 280 milljónir Bandaríkjadala, sem er enn í gildi. Samkvæmt heimildum Markaðarins eru litlar líkur taldar á því að Eimskip losni við þá ábyrgð á næstunni og geti jafnvel þurft að afskrifa hana að hluta eða öllu leyti.

- bih

HELST Í ÚTLÖNDUM

Dregur úr neyslu Heldur dró úr neyslu bandarísks almennings í júlí þegar áhrif skattendurgreiðslna tóku að fjara út og verðbólga jókst. Bandaríska viðskiptaráðuneytið segir verðlag ekki hafa hækkað jafn mikið í sautján ár.

Fasteignaverð hrynur Fasteignaverð í Bretlandi hefur fallið að meðaltali um 10,5 prósent frá áramótum. Verðlækkun sem þessi hefur ekki sést í ríki Elísabetar Englandsdrottningar í átján ár, samkvæmt úttekt breska fasteignalánaveitandans Nationwide.



Dagarnir taldir Útgáfu danska dagblaðsins Nyhedsavisen var hætt á sunnudag. Dótturfélag Dagsbrúnar stofnaði blaðið fyrir um tveimur árum og gjörbreytti dönskum auglýsingamarkaði. Þrátt fyrir taprekstur var það mest lesna dagblað landsins.

Minni verðbólga Tólf mánaða verðbólga mælist 3,8 prósent á evrusvæðinu, samkvæmt áætlun frá Eurostat, hagstofu Evrópusambandsins. Þetta er undir svart-sýnispám.

Beðið hærri vaxta Þegar næst verður hreyft við stýrivöxtum í Bandaríkjunum þá verða þeir hækkaðir. Þetta kemur fram í minnispunktum af síðasta vaxta-ákvörðunarfundi bandaríska seðlabankans í síðasta mánuði. Reiknað er með óbreyttum vöxtum fram í nóvember.

Lán ríkisins er einn áfangi á langri leið

Forsætisráðherra hefur tilkynnt um evrulán á mun betri kjörum en sem nemur skuldatryggingarálagi ríkisins. Prófessor segir þetta ekki koma að öllu leyti á óvart.

Ingimar Karl Helgason
 skrifar

„Þetta eru auðvitað jákvæð tíðindi, en ég bendi á að kjör lánsins eru óþekkt,“ segir Ásgeir Jónsson, forstöðumaður greiningardeildar Kaupþings.

Geir H. Haarde forsætisráðherra tilkynnti í gær um lántöku upp á að minnsta kosti 250 milljónir evra, eða sem svarar um 30 milljörðum íslenskra króna. „Á kjörum sem eru mun hagstæðari en svokallað skuldatryggingarálag á ríkissjóð gefur til kynna,“ sagði Geir í ræðu á Alþingi.

Ekki kom fram í ræðu Geirs hver veitir lánið. Geir sagði að forðinn nemi nú um 500 milljörðum króna.

Eftir því sem Markaðurinn kemst næst er skuldatryggingarálag á ríkið nú töluvert yfir 200 punktum, en einnig hefur verið sagt við Markaðinn að í sumar hafi ríkinu boðist öllu verri kjör.

Ásgeir Jónsson segir að lántakan geti sent tvíþætt skilaboð til markaðsaðila. Ríkinu bjóðist betri kjör en sem nemur álaginu og að litið verði á þetta sem áfanga í ferli.

Ólafur Ísleifsson, lektor við Háskólann í Reykjavík, segir að hluti af þeim vanda sem Íslendingar

glími við sé að skort hafi traust á íslenskum efnahag og viðskiptalífi. „Frá því að gerðir voru gjaldmiðlaskiptasamningar við norræna seðlabanka hafa ekki verið stigin mikilvæg skref í þessum efnum. Þessi aðgerð er jákvæð í sjálfa sér, en veldur ekki straumhvörfum.“

„Þetta er jákvætt, en um leið er þetta klárlega aðeins eitt skref af mörgum sem þarf að stíga,“ segir Guðjón Rúnarsson, framkvæmdastjóri Samtaka fjármálafyrirtækja (SFF). Hann segir að þótt lánið sé ekki stórt og fjárhæðin hafi ekki mikil áhrif á stöðu gjaldeyrisforðans í heild, þá sýni þetta að hægt sé að sækja fé á góðum kjörum.

Þórólfur Matthíasson, prófessor við Háskóla Íslands, bendir á að hvorki hafi komið fram hver veitti lánið, né til hversu langs tíma það sé. Hvort tveggja skipti máli. „Annars kemur þetta ekki að öllu leyti á óvart,“ segir Þórólfur, og minnst lántöku sveitarfélaga fyrir á árinu, sem voru „á kjörum sem voru langt undir öllum skuldatryggingarálægum“.

Viðmælandi Markaðarins bendir á að þótt kjörin á láninu séu fín, hljóti þau að vera öllu verri en á meðan allt lék í lyndi.

Spáir Bakkavör örum vexti

Ágúst Guðmundsson, forstjóri Bakkavarar, í stórviðtali við Financial Times.

Sala á vörum Bakkavarar mun aukast um 166% á næstu fjórum árum. Þetta kemur fram í viðtali Financial Times við Ágúst Guðmundsson forstjóra í gær. Hann segir hraðan vöxt í Kína.

Í greininni er sagt frá Bakkavör og vexti þess, sem byggður er að mestu á yfirtökum, ekki síst í Bretlandi. Ágúst segir fyrirtækið stefna á frekari vöxt og óttist ekki að kaupa fyrirtæki sem sé stærra en það sjálft. Vitnað er til kaupanna á fyrirtækjunum

Katsouris Fresh Foods og Geest en það fyrrnefnda var fimm sinnum stærra en Bakkavör þegar það var keypt 2001. Þá er nefnt að Bakkavör hafi fests sértæpan 11% hlut í írsku samlokufyrirtækinu Greencore sem geti bent til yfirtöku á næstu misserum. Ágúst segir kaupin óheppileg. Gengi bréfa í félaginu hafi fallið hratt og Bakkavör tapað 46,2 milljón punda á þeim fyrri hluta árs. Hann sé hins vegar viss um að gengið muni jafna sig á endanum. - jab

TrackWell

Tíma- og verkskráning
 Flotastýring og eftirlit
 www.trackwell.com

Örugg ávöxtun í þeirri mynt sem þér hentar

Markmið
 Peningabréfa er að ná hærri ávöxtun en millibankamarkaður og gjaldeyrisreikningar. Enginn munur er á kaup- og sölugengi.

ISK, GBP, DKK, USD, EUR

Landsbankinn

Peningabréf ISK/EUR/USD/GBP/DKK eru fjárfestingarsjóðir í skilningi laga nr. 30/2003, um verðbréfasjóði og fjárfestingarsjóði. Sjóðirnir eru reknir af Landsvaka hf., rekstrarfélagi með starfsleyfi FME. Landsbankinn er vörsluadili sjóðanna. Athygli fjárfesta er vakin á því að fjárfestingarsjóðir hafa rýmri fjárfestingarheimildir skv. lögnum heldur en verðbréfasjóðir. Um frekari upplýsingar um sjóðina, m.a. hvað varðar muninn á verðbréfasjóðum og fjárfestingarsjóðum og fjárfestingarheimildir sjóðanna, vísast til útboðslysingar og útdráttar úr útboðslysingum sem nálgast má í afgreiðslum Landsbankans auk upplýsinga á heimasíðu bankans, landsbanki.is.

GENGISPRÓUN

	Vika	Frá áramótum
Alfesca	2,4%	-1,2%
Atorka	-2,5%	-49,4%
Bakkavör	-1,1%	-54,4%
Exista	-0,4%	-61,0%
Glitnir	-2,0%	-31,4%
Eimskipafélagið	2,5%	-58,2%
Icelandair	2,3%	-26,8%
Kaupþing	0,7%	-19,2%
Landsbankinn	0,4%	-32,5%
Marel	0,5%	-15,1%
SPRON	1,4%	-60,6%
Straumur	-2,2%	-39,3%
Össur	4,4%	-3,6%

*Miðað við lokagengi í Kauphöll í gær.

Alfesca skilar góðu uppgjöri

Fjárfestirinn frá Katar kemur líklega inn í hluthafahópinn í næsta mánuði.

Alfesca hagnaðist um 3,5 milljónir evra, jafnvirði 429 milljóna íslenskra króna, á öðrum ársfjórðungi, sem er sá fjórði í bókum félagsins. Þetta er svo til óbreytt staða frá því fyrir ári. Hagnaðurinn á árinu öllu nam 28,6 milljónum evra sem er 27,6 prósentu aukning á milli ára.

Uppgjörið er yfir væntingum enda samdráttur á neytendamörkuðum í Evrópu líkt og sölutölur Alfesca benda til. Þær drógust saman um 5,4 prósent. Greiningardeild Glitnis bendir á að jákvæð skattfærsla upp á 3,5 milljónir evra hífi afkomuna upp auk þess að páskar féllu á fjórða ársfjórðung.

Xavier Govare forstjóri er ánægður með af-



XAVIER GOVARE

komuna. Hann segir stjórnendur ekki hafa óráð fyrir þeim verðhækkunum sem skolið hafi á og gert umhverfið afar krefjandi. Reiknað er með svipuðu árferði í nokkurn tíma.

Greint var frá því í júní að Sheikh Mohamed bin Khalifa Al-Thani, bróðir emírsins í Katar, ætli að kaupa 12,6 prósentu hlut í Alfesca.

Af því hefur enn ekki orðið en líkur eru á að af því verði fyrir ársfund félagsins í næsta mánuði. Þá verður sömuleiðis lagt til að greiddur verði út arður í fyrsta sinn, jafnvirði um 1,5 milljarða íslenskra króna.

-jab

Ástralir lækka

Seðlabanki Ástralíu ákvað í gær að lækka stýrivexti bankans um 0,25 prósentustig, úr 7,25% í 7,0%, líkt og markaðs- og greiningaraðilar höfðu búist við. Er þetta fyrsta vaxtalækkun bankans í sjö ár.

Erfið skilyrði á fjármálamörkuðum ásamt vísbendingum um að hægja muni á vexti einkaneyslu og hagvexti í Ástralíu á næstunni eru meðal helstu skýringa fyrir lækkuninni nú.

Seðlabankar í Bretlandi, Kanada og Svíþjóð kynna nýjar vaxtaákvæðanir á næstu dögum, sem og Seðlabanki Evrópu.

-bih

Gnúpur sektaður

„Sektin verður borguð,“ segir Lárentsínus Kristjánsson, lögmaður og stjórnarformaður Gnúps fjárfestingafélags.

Fjármálaeftirlitið hefur ákveðið að sekta Gnúp um tvær milljónir króna fyrir að brjóta gegn flöggunarskyldu. Málið varðar viðskipti með töluvert hlutfé í FL Group í janúar síðastliðnum. Þá fór hlutur Gnúps úr rúmum ellefu prósentum og niður í 8,54 prósent. Fyrirtækjum er skylt að flagga ef atkvæðisréttur nær, fer yfir eða lækkar niður fyrir 5 prósent, 10 prósent og önnur fimm prósentu bil.

Lárentsínus segir að þetta mál

hafi komið upp fyrir mistök, og fyrir sína tíð hjá félaginu. Þótt ekki fari mikið fyrir Gnúpi um þessar mundir þá séu svona mál gerð upp.

Um gengi félagsins að öðru leyti segir Lárentsínus að það fari „eins og vindar blása“.

Gnúpur var í eigu Kristins Björnssonar sem eitt sinn var forstjóri Skeljungs, Þórðar Más Jóhannessonar sem stýrði Straumi hér áður fyrr og Magnúsar Kristinssonar, útgerðarmanns í Vestmannaeyjum og eiganda Toyota-umboðsins hér á landi. Félagið tapaði stórfé á hrúni FL Group.

-ikh

Novator að selja P4?

Finnsk og pólsk viðskiptablað greina frá því að fjarskiptafyrirtækið TeliaSonera sé í viðræðum við Novator um kaup á pólska farsímafyrirtækinu P4. Novator á 75 prósentu hlut í P4.

Pólska viðskiptablaðið Puls Biznesu segist hafa heimildir fyrir því að Novator hafi leit að kaupenda að P4 síðan í apríl og að viðræður við TeliaSonera séu á forstigi. Talsmaður Novat-

or í Póllandi og talsmaður TeliaSonera höfnuðu þessum vangaveltum.

„Þetta eru ekkert nema vangaveltur á markaði í Póllandi,“ segir Ásgeir Friðgeirsson, talsmaður Novator. „Play er eitt af systurfélögum Nova og það er allt á áætlun hjá Play, og rúmlega það.“ Ásgeir bætti við að Play væri „hálf-gert Spútnikfyrirtæki“ á pólska farsímamarkaðnum.

-msh

Olíuverð fellur hratt

Heimsmarkaðsverð á hráolíu lækkaði hratt í gær, fór niður um tæpa tíu dali á tunnu og stóð um miðjan dag í rúmum 105 dölum. Viðlíka verð hefur ekki sést síðan snemma í apríl í vor.

Nokkrir þættir eiga hlut að máli. Í fyrsta lagi olli fellibylurinn Gústav minna tjóni við Mexíkóflóa en búist var við.

Í ofanálag eru væntingar um að þrengingar í stærstu hagkerfum heimsins muni leiða til þess að draga muni úr olíu- og

eldsneytisnotkun og þrýstir það verðinu neðar, að sögn Bloomberg-fréttastofunnar. Olíuverðið fór í hæstu hæðir í júlí, í rúma 147 dali á tunnu. Miðað við verðið um miðjan dag í gær hefur það lækkað um 28 prósent síðan þá. Danska dagblaðið Börsen hefur eftir bankamönnum í gær að olíuverðið geti farið hratt niður á næstunni, jafnvirði allt niður fyrir níutíu dali á tunnu. Næstu árin geti það svo farið allt upp í 200 dalina. -jab

Smærri fjármálafyrirtæki horfa til Byrs sparísjóðs

Óformlegar viðræður eru í gangi um mögulegan samruna þriggja fjármálafyrirtækja. Beðið er eftir niðurstöðu um stefnu Byrs í samrunamálum sem ráða muni miklu um framhaldið.

Óli Kristján Ármannsson
skrifar

Í fjármálageiranum er beðið niðurstöðu um hvert Byr sparísjóður stefnir í samrunaáætlunum. Samkvæmt heimildum Markaðarins verða aðrar þreifingar tæpast nema óformlegar þangað til.

„Ég held að það dyljist engum sem fylgist með markaðnum að allir boltar eru á lofti,“ sagði Agnar Hansson, bankastjóri Icebank, í nýlegu viðtali við Markaðinn, en greint hefur verið frá óformlegum viðræðum Icebank, VBS fjárfestingarbanka og Saga Capital um mögulegan samruna. Heimildir Markaðarins herma þó að þær séu tæpast á því stigi að geta kallast þríhliða viðræður.

Jón Þórisson, forstjóri VBS, segir að leitað verði leiða til að finna sameiningargrundvöll, en hafnar því um leið að slæm staða reki fyrirtækin til sameiningar. „En að sjálfsögðu skoðum við öll tækifæri sem upp kunna að koma.“

Fyrir helgi kom hins vegar fram bæði í máli Ragnars Z. Guðjónssonar, sparísjóðsstjóra Byrs, og Jóns Þórsteins Jónssonar stjórnarformanns að hugur þeirra stæði fremur til sameiningar sem styrkti sparísjóðinn. Byr hefur engu að síður verið sterklega orðaður við samruna inn í annaðhvort Landsbankann eða Glitnir, þar sem stórir hluthafar í báðum fyrirtækjunum, kunna að sjá samlegðaráhrif.

Heimildir Markaðarins herma hins vegar að



Í FORSVARI FYRIR BYR Jón Þorsteinn Jónsson, stjórnarformaður Byrs, og Ragnar Z. Guðjónsson hafa fremur horft til þess að styrkja sparísjóðinn í mögulegum samruna, en að hann renni inn í stærri banka.

MARKAÐURINN/PIJETUR

smærri fjármálafyrirtæki horfi til Byrs sem sparísjóðs sem burði hafi til að vera nokkurs konar sameiningarafl á þeim markaði og tæki til að búa til fjórða stóra bankann á markaði hér.

Varðandi óformlegar viðræður annarra fyrirtækja segist Jón Þorsteinn Jónsson, stjórnarformaður Byrs, hafa heyrt af einhverjum kaffifundum. Hann bendir á að Byr eigi hlut bæði í Saga Capital og Icebank. „Og geri ég ráð fyrir að við komum að þessu ef mál ná eitthvað lengra.“

Þá má einnig rifja upp að í byrjun þessa árs var frá því greint að Byr sparísjóður hefði falast eftir því að kaupa hlut bæði Sparísjóðsins í Keflavík og Sparísjóðs Mýrasýslu í VBS fjárfestingarbanka.

Allianz tapar á bankasölu

Samningar náðust um helgina um kaup hins þýska Commerzbank á Dresdner-banka. Kaupverð nemur 9,8 milljörðum evra, jafnvirði 1.200 milljörðum íslenskra króna. Seljandi er tryggingarinn Allianz.

Blekið var varla orðið þurrt á samningum þegar niðurskurðarhnífurinn fór á loft en níu þúsund starfsmönnum verður sagt upp.

Allianz þykir hafa stórtapað á viðskiptunum. Fyrirtækið keypti Dresdner-banka fyrir sjö árum

og pungaði út einum 28 milljörðum evra. Bankinn hefur komið illa undan lausafjárkreppunni og neyðst til að afskrifa fimm milljarða evra úr bókum sínum fram til þessa, að sögn breska dagblaðsins Times.

-jab



„Vel í sveit settur“

„Vöndull sér um vöruflutninga á milli Flúða og Reykjavíkur. Við þurfum reglulega að endurnýja bílafloata okkar og þá kemur bara eitt fyrirtæki til greina. Ég hef átt ánægjuleg samskipti við Lýsingu síðastliðin 20 ár og veit að þar fæ ég ávallt góða þjónustu, hjá Lýsingu er ég einfaldlega best settur.“

Jónhann Unnar Guðmundsson framkvæmdastjóri, Vöndull ehf

Lýsing hefur byggt upp orðspor sem traust fyrirtæki með afburða starfsfólk og persónulega þjónustu. Síðastliðin 20 ár hefur Lýsing stutt við bakið á fjölda fyrirtækja víðsvegar um landið og býður upp á fjölbreytta möguleika í fjármögnun sem er sérsniðin að þörfum hvers og eins.

Lýsing - fjármögnun í takt við þínar þarfir

LÝSING

LYSING.IS // 540 1500



freedom[™] margverðlaunaður skrifstofustóll frá Humanscale

ÞÚ ÞARFT EKKI LEIÐBEININGAR

Freedom stóllinn er einn háþróaðasti stóll sögunnar, þægilegur, styður vel við líkamann og er mjög auðveldur í stillingum.

Þú þarft ekki að velta fyrir þér leiðbeiningum um það hvernig eigi að stilla stólinn svo hann henti þér. Freedom sér um það fyrir þig.

Það eina sem að þú þarft að gera er að sitja!



Tilboð kr. 103.990,-
Fullt verð kr. 189.990,-
Cava áklæði

Viðurkenningar sem Freedom stóllinn hefur hlotið



Hér eru örfá fyrirtæki sem sjá ástæðu til að kaupa eingöngu stóla frá Humanscale:

Abbott Laboratories, ABN AMRO, ADP, AIG, Alliance Bernstein, American Express, AMGEN, AOL, Apple Computer, Bank of NY, Baxter Healthcare, Bloomberg, Boeing, BP, Bristol Myers Squibb, Caterpillar, Chevron Texaco, Chubb, Cisco Systems, Citigroup, Colgate-Palmolive, Deloitte & Touche, Ford, GE, Hewitt Associates, Hewlett-Packard, Hilton Hotels, Honeywell, HSBC, Hyatt Hotels Corporation, Ingram Mirco, John Deere, Johnson & Johnson, JP Morgan Chase/Bank One, Juniper Networks, McKinsey Merrill Lynch, Morgan Stanley, Motorola Mark, Novartis, Nvidia Corporation, Oracle Corporation, Pfizer Pharmaceutical, Siemens, Sony.



BÚUM BETUR
HÚSGAGNAVERSLUN

Ríkisstjórnin horfist ekki í augu við aðsteðjandi vanda

Valgerður Sverrisdóttir, varaformaður Framsóknarflokksins, segir mikilvægt að stóriðjuframkvæmdir fari í gang. Til lengri tíma verði að ræða aðild að Evrópusambandinu í alvöru. Steingrímur J. Sigfússon, formaður Vinstri grænna, vill að menn læri af fyrri stóriðjumistökum og býður krafta sína til viðtæks samstarfs um lausn aðsteðjandi vanda. *Ingimar Karl Helgason* settist niður með hvoru um sig og spurði um lausnir.

Eitt er víst. Við getum ekki búið við óbreytt ástand,“ segir Steingrímur J. Sigfússon, formaður Vinstri grænna. Óða-verðbólga brenni upp kaupmátt launa. „Hann var nú svo sem ekki beysinn fyrir hjá ýmsum. Núna situr almenningur í landinu við eldhúsbordíð með heimilisbók-haldið og og hugsar væntanlega sem svo. Bíddu, þetta er svo það sem ég er að fá út úr þessu, allri þessari snilli; stóriðju, skattalækkana- og útrásarveislunni?“

VERÐUM AÐ RJÚFA VÍTAHRINGINN

„Og ég spyr þá,“ segir Steingrímur. „Hvað segja nýfrjálshyggju- og stóriðjuþostularnir við við almenning? Er lausnin meira af því sama? Að fara nýjan hring? Ég segi nei. Við verðum að snúa okkur að því viðfangsefni að rjúfa þennan vítahring.“

Valgerður Sverrisdóttir, varaformaður Framsóknarflokksins, segir að nú séu menn hættir að tala um mjúka lendingu. Hún minnir á aðdraganda síðustu alþingiskosninga. „Við framsóknarmenn vildum halda áfram að

nýta okkar orkuauðlindir okkar til uppbyggingar atvinnulífs og til að skapa verðmæti.“ Síðan hafi sjálfstæðismenn ekkert lagt á sig til að tryggja að Samfylkingin væri tilbúin til að halda uppbyggingunni áfram í ríkisstjórnarsamstarfi. „Það er ekki minnst á iðnað í stjórnarsáttmálanum. Miðað við hvernig Samfylkingin talaði í kosningabaráttunni hefði forsætisráðherra vitað skuld átt að tryggja þetta við myndun ríkisstjórnar,“ segir Valgerður.

ORÐ ÚT Í LOFTIÐ

Valgerður heldur áfram. „Formaður Samfylkingarinnar sagði fyrir kosningar að það væri hægt að stoppa þessar framkvæmdir, „stóriðjustopp“. En það voru þá bara orð út í loftið.“

Nú liggja fyrir að ekki sé hægt að stöðva framkvæmdir við Helguvík og á Bakka við Húsavík ef öll skilyrði og leyfisveitingar eru uppfylltar. „Þá virðist lögð sú lína að reyna að tefja fyrir framkvæmdunum. Og skilaboðin, sérstaklega frá þingmönnum Samfylkingarinnar, hafa verið mis-

vísandi. Það skapar mikla óvissu og minnkar tiltrú, bæði á því sem ríkisstjórnin er að gera og á Íslandi út á við.“

Valgerður bætir því við að hálf tveggja mánuðir frá ummælum forsætisráðherra um að styrkja þurfi gjaldeyrisforðann. Svo hafi Alþingi samþykkt slíka lánsheimild í vor.

„Og ekkert gerist. Þannig að þetta er auðvitað þáttur sem rýrir mjög traust á Íslandi, og Seðlabankanum og peningastjórninni.“ Valgerður minnst einnig orða forsætisráðherra um að endurskoða peningastefnu Seðlabankans. „Nú virðist hann hins vegar stefna frá þessu, eða sinnir því að minnsta kosti í engu. Svo það er ýmislegt sem setur okkur í þá stöðu sem við erum í dag. Við hrekjumst lengra og lengra út í kviksyndið, ekki síst vegna aðgerðaleysis ríkisstjórnarinnar.“

EITT VERKEFNI ÖÐRUM BRÝNNA

Steingrímur gagnrýnir einnig ríkisstjórnina og nefnir sem dæmi samráðsfundi við verkafólksáætlun um efnahagsmálin. „Tveir fundir með löngu



millibili. Svo er upplýst að það er ekkert á þessum fundum nema kaffi.“

Steingrímur segir eitt verkefni brýnna en önnur. „Ég held að það sé mikilvægast af öllu að breyta andrúmsloftinu í samfélaginu. Að skapa á nýjan leik þá stemningu og endurreisa þá trú og tilfinningu manna að við ætlum að sigrast á þessu. Því andlegi þátturinn er alltaf stór í svona löguðu.“

Steingrímur leggur einnig til aðgerðaáætlun í tíu liðum. Það verði að styrkja gjaldeyrisforðann. Endurskoða eigi lög um Seðlabankann. Fara verði yfir leiðir til sveiflujöfnunar í þjóðarbúskapnum, og til dæmis mætti í því skyni draga lærdóma af ríkjunum sem lentu í Asíukreppunni á sínum tíma. Endurskoða þurfi verkaskiptingu stjórnarráðsins frekar. Skoða eigi kosti öflugra efnahags-, viðskipta og ríkisfjármálaráðuneytis. Þetta gangi ekki nógu vel við núverandi fyrirkomulag. „En auðvitað má ekki kenna árunum ef það eru ræðarnir sem eru að bregðast.“

ÞJÓÐHAGSSTOFNUN STRAX

Steingrímur segir að endurreisa eigi Þjóðhagsstofnun strax. Þá

verði að auka skilyrði til að efla sparnað. Það megi til dæmis gera með frítekjumarki á fjármagnstekjur. Enn fremur þurfi að kortleggja og fylgjast með þróun erlendra skulda þjóðarbúsins og ná þeim niður.

„Besta sveiflujöfnunin er fólgin í traustum innviðum og styrkum stöðum undir þjóðarbúskapnum og samfélaginu,“ segir Steingrímur og á þar meðal annars við opinbera fjárfestingu í samgöngum, fjarskiptum, heilbrigðis- og menntakerfi. „Nú er tíminn til að byggja hjúkrunarheimilin, búa betur að geðfötlum, halda við opinberu húsnæði og svo framvegis.“

Einnig þurfi að styrkja stöðu sveitarfélögunna og veita til þeirra auknu fé.

„Þá þarf nýja, þverpólitíska og þverfaglega þjóðarsátt. Ég er annars ekki viss um að við eigum að nota hugtakið þjóðarsátt. Hún var gerð við aðrar aðstæður á öðrum tíma og það snerist fyrst og fremst um eitt; að ná niður verðbólgu. Þá höfðu menn meiri tök á verðlagsmálum og það var meira af þeim bundið í miðstýrdum ákvörðunum. Ég held við ættum kannski frekar núna að

Menn að vera menn til að líta til baka og viðurkenna mistök, en síðan látum við þau liggja milli hluta.



Gullfiskar gleyma öllu eftir 3 sekúndur

Peir geta ekki spáð í fortíðina, hvað þá framtíðina.

En það getur þú. Með þrautreyndum rekstrarupplýsingahugbúnaði frá SAS.

Vertu vakandi og skráðu þig á Tour de Platform-fyrirlestrana miðvikudaginn 24. september 2008 á Hilton Reykjavík Nordica.

www.sas.com/is/tourdeplatform

www.sas.com/is

sas | THE POWER TO KNOW.

tala um einhvers konar nýsköpunar- og endurreisnarættun sem við eigum að leggja niður fyrir okkur. Við eigum að setja okkur markmið og leggja niður í áætlun áfangaskiptar aðgerðir sem við ætlum að fara í næstu mánuði og misseri og skapa þannig stemningu í samfélaginu og trú á framtíðina. Ég segi náttúrulega, hvað er þetta? Ætlum við, núverandi kynslóð í landinu, með alla okkar möguleika og burði til að takast á við hlutina, að láta það um okkur spyrjast að við glutrum þessu niður? Að við klúðrum þessu? Að við glötum ávinningum af þrotlausri uppbyggingu íslensks velferðarsamfélags alla 20. öld? Nei, það bara getur ekki verið.“

SEÐLABANKINN LÆKKI VEXTI

Valgerður segir að nú þegar stefni í mikla erfiðleika á vinnu- markaði. Þegar hafi vel á annað þúsund manns misst vinnuna í hópuppsögnum og margir fleiri í öðrum uppsögnum. „Það getur ekki verið að Seðlabankinn eigi að gera það eitt að einblína á verðbólgu, en taka ekkert mark á öðru sem er að gerast jafnhliða í þjóðfélaginu,“ segir Valgerður og vísar til stöðu fjölmargra heimila. „Ég tel að Seðlabankinn verði að hefja þetta vaxtalækkunarferli. Ég er ekki endilega að meina í stórum stíl. En hann þarf að sýna að það sé verið að horfa á heildarmyndina.“

Valgerður segir hins vegar að stærsta verkefnið sé að ná upp hagvexti. Spár geri ráð fyrir því, segir Valgerður, að meðal OECD-ríkja verði hagvöxtur minnstur hér á landi á þessu ári og hinu næsta. Spárnar geri ráð fyrir mun meiri hagvexti í löndum eins og Lúxemborg og Sviss, svo minnkandi hagvöxtur verði augljóslega ekki rakinn til fjármála- markaðarins eingöngu.

NÝTA ÞARF ORKUAUÐLINDIRNAR

„Það er atvinnustefna eða réttara sagt atvinnuleysisstefna Samfylkingarinnar sem ræður för, og Sjálfstæðisflokkurinn eltir. Ég er auðvitað sérstaklega að tala um nýtingu orkuaúðlinda, til uppbyggingar atvinnulífs. Og þessar framkvæmdir, bæði fyrir norðan og í Helguvík eru settar í óvissu með stjórnvaldsaðgerðum. Sérstaklega fyrir norðan með þessu heildstæða umhverfismati, með úrskurði umhverfisráðherra, sem er á skjön við þá fagstofnun sem hefur með þetta mál að gera. Það er augljóst að þetta þýðir frestun.“

Valgerður nefnir einnig loftslagsmálin og gagnrýnir að ekki sé reynt að fá sérstöðu landsins viðurkennda. „Það er ekki hægt að halda því fram að við séum að auka vandann ef við lítum á þetta hnattrænt, því við notum endurnýjanlega orku til þessarar uppbyggingar. Og ég held að þetta sé eitt mikilvægasta atriðið sem við getum bent á við þessar aðstæður.“

EVRRAN TIL LENGRI TÍMA

Valgerður segir að til lengri tíma verði að líta á gjaldmiðilsmálin. „Eigum við framtíð með þessa sjálfstæðu mynt og utan Evrópusambandsins, þegar horft er til lengri tíma? Það er spurning sem allir ábyrgir stjórnvaldaflokkar þurfa að ígrunda en því miður virðast sumir flokkanna reyna að tefja fyrir því að þessi grasrótarmræða fari fram og þvæla hana út og suður.“

Valgerður rifjar upp að fyrir um tveimur og hálfu ári setti hún fram hugmyndir um að lagalega væri ekkert sem kæmi í veg fyrir upptöku evrunnar án aðildar að Evrópusambandinu. „Mér finnst að aðrir hafi farið illa með þennan tíma, því menn hefðu getað unnið í málinu. Og ef menn telja

að það sé ekki komið endanlegt svar, þá hefði það getað legið fyrir miklu miklu fyrr. Því er það bara brostlegt að dómsmálaráðherra skuli koma fram með þessa skoðun núna og telja þetta órannsakað. Nú eigi svo eftir að fá úr því skorið hvort þetta sé hægt,“ segir Valgerður.

SVARIÐ ER LÖNGU KOMIÐ

Hún segist þó hafa glaðst þegar Björn Bjarnason dómsmálaráðherra setti hugmyndina fram að nýju. „Því mér finnst í því felast viðurkenning hjá honum, sem er nú áhrifamaður í Sjálfstæðisflokknum, að vafi leiki á því að íslenska krónan geti þjónað okkur til framtíðar.“ Slíkt beri vott um

raunsæi og því hafi hún tekið vel í málið og talið að nú myndi forsætisráðherra bera það upp við framkvæmdastjórn Evrópusambandsins. Nú standi hins vegar til að nefnd, sem virðist hafa lítið hlutverk, eigi eftir að ræða þetta við lægra setta í Brussel. „Ég efast nú um að sú nefnd fái viðtöl við ædstu menn. Að því leyti til þá er þetta bara tómur vandræðagangur. Maður bara hálfskammast sín fyrir að Ísland ætli að koma fram með þeim hætti gagnvart Evrópusambandinu. Svo er þetta þversögn í málflutningi Björns [Bjarnasonar] og sjálfstæðismanna þegar þeir halda því stöðugt fram að það sé ekki hægt að semja við Evrópu-

sambandið um sjávarútvegsmálin. Það er bara ákveðið fyrirfram að það sé ekki hægt. En í öðrum tilvikum, eins og með upptöku evrunnar, láta þeir eins og það sé bara hægt að semja um það sem sagt var þegar fyrir tveimur og hálfu ári að væri ekki hægt.“

Nú virðist eiga að þvæla málið í nefndinni til að koma í veg fyrir opinbera umræðu. „Ég tel að það sé verið að eyða kröftunum, vinna tíma og dreifa umræðunni,“ segir Valgerður, sem telur að svarið við spurningunni um einhliða upptöku evru hafi þegar verið svarað neitandi.


VERKEFNIÐ FRAM UNÐAN

Steingrímur á síðasta orðið. „Það


er auðvitað ekki hægt að takast á við þennan vanda öðruvísi en að greina hann og skilja orsakir hans. Að því leyttinu verða menn að vera menn til að líta til baka og viðurkenna mistök, en síðan látum við þau liggja milli hluta. Sökudólgar frá liðnum tíma breyta engu um verkefnið sem fram undan er, sem er að sameina kraftana og snúa sér að því að sigrast á erfiðleikum. Þar bjóðum við okkur fram. Við erum tilbúin til að axla ábyrgð. Vinstri græn eru tilbúin til þess að taka þá pólitíska áhættu að leggja tillögur okkar í púkk og koma með í verkefnið, og mér sýnist, satt best að segja, ekki veita af.“

Óslitin sigurganga

– Fréttablaðið er grunnurinn að dagblaðalestri þjóðarinnar



Óslitin sigurganga Fréttablaðsins undanfarin sex ár er staðfest með nýrri lestrarkönnun Capacent




* Meðallestur 18-49 ára – allt landið

Auglýsendur athugið!

Yfirburðir Fréttablaðsins umfram bæði Morgunblaðið og 24 stundir eru mjög miklir í nánast öllum aldurshópum.

Hvar er þín auglýsing?



Fréttablaðið tryggir þér aðgang að rúmlega 45 þúsund fleiri lesendum en Morgunblaðið og rúmlega 25 þúsund fleiri lesendum en 24 stundir í aldurshópnum 18-49 skv. nýjustu könnun Capacent.

Fréttablaðið er með 43% meiri lestur en 24 stundir og 112% meiri lestur en Morgunblaðið

Það er engum blöðum um það að fletta að yfirburðir Fréttablaðsins eru ótvíræðir.

Í stærsta neysluhópnum, 18-49 ára er Fréttablaðið sem fyrr, langmest lesna dagblað landsins, samkvæmt könnun Capacent Gallup maí-júlí 2008. Kannanir síðustu fjögurra ára hafa skotið samkeppnisaðilunum lengra og lengra afturfyrir Fréttablaðið. Við erum auðvitað rífandi stolt af þessum góða árangri og bendum auglýsendum á að notfæra sér forskotið okkar þegar þeir velja auglýsingamiðil.



Allt sem þú þarft...

...alla daga

MARKAÐURINN

Sögurnar... tölurnar... fólkið...

Vilja menn ekki horfast í augu við raunveruleikann?

Hvað er kreppa?

Björn Ingi Hrafnsson

„Við eigum við ákveðna erfiðleika að etja í okkar efnahagsmálum, en þó má ekki tala eins og það sé kreppa í landinu,“ sagði Ingibjörg Sólrún Gísladóttir, utanríkisráðherra og formaður Samfylkingarinnar, í viðtali við Viðskiptablaðið í fyrri viku. Þau ummæli hafa talsvert verið gagnrýnd og tekin sem dæmi um að leiðtogar þjóðarinnar séu fastir í sínum fílabEinsturni og annaðhvort átti sig ekki á raunverulegu ástandi í samfélaginu eða neiti hreinlega að horfast í augu við stöðuna eins og hún er.

Auðvitað er ástæðulaust að mála skrattann á vegginn, eins og formaður Samtaka atvinnulífsins bendir réttilega á í grein í Markaðnum í dag. En að sama skapi er með öllu ástæðulaust að viðurkenna ekki að íslenskt atvinnu- og efnahagslíf glímur nú við einhverja mestu erfiðleika í manna minnum. Í Bandaríkjunum hefur lánsfjárekreppunni verið líkt við þann eiginfjárbruna sem varð við hrúnið í kauphöllinni á Wall Street 1929. Í Bretlandi segir fjármálaráðherra að við blasi mesta efnahagslægd í sextíu ár. Í þessu ljósi ætti mörgum að þykja fengur í hinni bjartsýnu yfirlýsingu utanríkisráðherrans, eða hvað?

„Í grunninn í þessu vaxtastigi sem er núna og með þessa verðbólgu þá er, leyfi ég mér að segja, nánast allur rekstur verðlaus.“ Svo mælti Bjarni Benediktsson, alþingismaður Sjálfstæðisflokksins og stjórnarformaður N1, í Ríkisútvarpinu um liðna helgi. „Það er ekkert vit í að fara út í neinn rekstur af nokkru tagi. Það er langbest ef þú átt pening að geyma hann og gera ekkert við hann og reyna að ávaxta hann,“ sagði þingmaðurinn enn fremur og bætti við: „Þetta eru svo augljós sannindi að rekstrarumhverfið er skelfilegt í dag. Það er það.“

Ætla mætti að yfirlýsingar þessara tveggja fulltrúa ríkisstjórnarflokka eigi alls ekki við um sama landið eða sama efnahagsástandið, svo ólíkar eru þær. Annars vegar er engin kreppa og má ekki tala þannig, en hins vegar er rekstrarumhverfið hreinlega skelfilegt og allur rekstur verðlaus, hvorki meira né minna.

Markaðurinn hefur á undanförunum vikum rætt við fjölmarga stjórnálmenn um ástand og horfur í efnahagsmálunum og hafa þau viðtöl vakið mikla athygli. Þau Illugi Gunnarsson, Bjarni Benediktsson, Árni Páll Árnason, Geir H. Haarde og nú Valgerður Sverrisdóttir og Steingrímur J. Sigfússon hafa lýst sinni sýn á ástand mála og komið fram með tillögum um hvað mætti betur fara. Þótt áherslur í þeim málflutningi hafi verið ólíkar frá einum stjórnálmanni til annars og tillögurnar margvíslegar, var þó einkennandi að allir töldu þeir mikilvægt að viðurkenna vandann og að ákveðin hagstjórnarmistök hefðu verið gerð. Slík viðurkenning á veruleika máls væri beinlínis forsenda þess að bregðast mætti við með skynsamlegum hætti.

Á þessum vettvangi hefur margsinnis verið varað við aðstæðandi vanda á undanförunum mánuðum. Sama hafa margir aðrir gert, til dæmis forsvarsmenn atvinnulífsins og launþegahreyfingarinnar. Á fyrstu haustdögum er niðursveiflunnar þegar tekið að gæta í formi hópuppsagna, gjaldþrota fyrirtækja og aukinna vanskila einstaklinga. Verðbólgan hækkar áfram, verðlag er á fleygiferð og krónan enn sem fyrr á valdi spákaupmanna sem skeyta lítt eða ekkert um þjóðarhag.

Fyrir þá sem reka fyrirtæki við þessar aðstæður er tilgangslítið að halda því fram að hér sé engin kreppa. Sama á við um þá sem nýlega hafa misst vinnuna eða geta ekki staðið skil á fjárskuldbindingum sem hafa hækkad um tugi prósentu vegna hækkunar vísitölu eða gengisfalls krónunnar. Þessir aðilar kalla eftir skýrum svörum og raunverulegum tillögum. Þeir krefjast þess að horft sé lengra fram á veg og komið með raunveruleg svör við aðkallandi spurningum.

Ög þau svör mættu gjarnan koma fram strax og áður en það er orðið of seint.

bjorn.ingi@markadurinn.is | gudny@markadurinn.is | holmfridur@markadurinn.is | ingimar@markadurinn.is | jonab@markadurinn.is | olikr@markadurinn.is | sindri@markadurinn.is

Nám í verðbréfavíðskiptum

Nám til undirbúnings prófs í verðbréfavíðskiptum

Framúrskarandi kennarar

Staðnám og fjárnám

Sérstakir dæmatímar

Hefst 6. september
Skráning stendur yfir á endurmenntun.is

Íslenska efnahagsundrið er engin bóla

ORÐ Í BELG

Pór Sigfússon
formaður Samtaka atvinnulífsins



„Það er orðið einkennilegt þegar það þarf útlendinga, sem eru að skoða ýmsar framtíðarhorfur landsins, til að auka manni þrótt í þeim bölmóð sem nú ríður húsum. Í nýlegri skýrslu Alþjóðabankans sagði að íslenska hagkerfið standi „á erfiðum og óvissum tímamótum en langtímahorfur í íslenska hagkerfisins eru öfundsverðar“.

um. Flest viðmið til næstu ára og áratuga hjá OECD ríkjum þykja róttæk en þau liggja nær öll undir núverandi hagtölum frá Íslandi. Atvinnuþáttaka eldri starfsmanna, 60-74 ára, er hærri

á Íslandi en í nokkru öðru landi OECD.

Þá er íslenska skattkerfið talið hvetja fólk og fyrirtæki til vinnu og athafna en skattkerfi marga landa eru fjarri því að hafa þau einkenni.

Það er ekki síst þegar horft er til nýrrar kynslóðar sem við getum litið bjartsýn fram á veginn. Atvinnuleysi meðal ungs fólks hefur verið lítið sem ekkert um áratugaskeið á meðan atvinnuleysi á meðal ungs fólks á sumum hinna Norðurlandanna hefur verið yfir 15 og 20% um árabíl. Hérlandis er einnig algengara að ungt fólk stofni fyrirtæki.

Það er orðið einkennilegt þegar það þarf útlendinga, sem eru að skoða ýmsar framtíðarhorfur landsins, til að auka manni þrótt í þeim bölmóð sem nú ríður húsum. Í nýlegri skýrslu Alþjóðabankans sagði að íslenska hagkerfið standi „á erfiðum og óvissum tímamótum en langtímahorfur í íslenska hagkerfisins eru öfundsverðar“.

Þrátt fyrir mjög alvarlega stöðu í íslenskum efnahagsmálum um þessar mundir þá megum við ekki gleyma því að íslenska efnahagsundrið er engin bóla og ef við stöndum rétt að málum þá er Ísland land tækifæranna og horft verður til Íslands um fyrirmyndir á næstu árum og áratugum.



Börn að leik. Íslendingar eru með hæstu fæðingartíðni á Norðurlöndunum.

ORÐSKÝRINGIN

Uppboðsskuldabréf

Uppboðsskuldabréf, stundum kölluð ARS-skuldabréf (Auction Rate Securities), eru tegund langtímaskuldabréfa með breytilegum vöxtum. Vextirnir eru ákvarðaðir, líkt og nafnið bendir til, á uppboðum sem haldin eru á 7, 28 eða 35 daga fresti, sem gerir það að verkum að verðmyndun er virkari og seljanleiki bréfanna því meiri. Mörg stórfyrirtæki geymdu reiðufé sitt í uppboðsskuldabréfum, enda voru þau markaðsett sem ígildi reiðufjár.

Síðan 1988 þegar Goldman Sachs byrjaði að gefa út uppboðsskuldabréf í stórum stíl í Bandaríkjunum hefur markaðurinn vaxið í um 330 milljarða dollara. Til dæmis hafa fjármálastofnanir sem veita námslán, sem yfirleitt eru til mjög langs



tíma en njóta ríkistryggingar, fjármagnað lánveitingar sínar með útgáfu uppboðsskuldabréfa.

Í byrjun árs 2008 hrundi markaðurinn fyrir uppboðsskuldabréf þar sem engir mótaðilar voru til staðar á uppboðum, með þeim afleiðingum að fjölmargir fjárfestar sátu uppi með óseljanleg bréf. Stærstu útgefendur þeirra, UBS, Morgan Stanley, Merrill Lynch og Citigroup, hafa verið sakaðir um að hafa leynt fyrir viðskiptavinum hversu mörg uppboð enduðu án kaupenda, og fyrir að hafa blekkt viðskiptavinum til að kaupa uppboðsskuldabréf.

ÚTGÁFUPLAG: 365 – prentmiðlar RITSTJÓRAR: Björn Ingi Hrafnsson og Óli Kr. Ármannsson RITSTJÓRN: Guðný Helga Herberdsdóttir, Hólmfríður Helga Sigurðardóttir, Ingimar Karl Helgason, Jón Aðalsteinn Bergsveinsson, Sindri Sindrason AUGLÝSINGASTJÓRI: Jón Laundal RITSTJÓRN OG AUGLÝSINGAR: Skafahlíð 24, 105 Reykjavík **ADALSÍMI:** 512 5000 **SÍMBRÉF:** 512 5301 **NETFÖNG:** ritstjorn@markadurinn.is og auglysingar@markadurinn.is **VEFFANG:** visir.is **UMBROT:** 365 – prentmiðlar PRENTVINNSLA: Ísafoldarprentsmiðja ehf. **DREIFING:** Pósthúsið ehf. dreifing@posthusid.is Markaðurinn er dreift ókeypis með Fréttablaðinu á heimili á höfuðborgarsvæðinu, Suðurnesjum og Akureyri. Einnig er hægt að fá blaðið í völdum verslunum á landsbyggðinni. Markaðurinn áskilur sér rétt til að birta allt efni blaðsins í stafrænu formi og í gagnaböndum án endurgjalds.

Við hjá Hreysti erum
stolt af því að vinna með
fremsta íþróttafólki Íslands



Guðjón Valur Sigurðsson
atvinnumaður í handbolta



GÆÐI ALLA LEIÐ

PROMAX er háhreinsað protein fyrir alla sem vilja byggja upp og ná hámarksárangri

AF HVERJU PROTEIN?

Nægilegt protein í fæðuvali þínu er nauðsynlegt til að viðhalda og auka vöðvavöxt sérstaklega fyrir fólk sem er í reglulegum átökum eða vill minnka fituhlutfall líkamans.

PROMAX inniheldur Biomax sem er háhreinsuð blanda mysuproteína. Biomax tryggir hámarks amminosýruflæði sem stuðlar að endurhleðslu vöðva eftir erfið átök. Ekkert eggja, mjólkur eða sojaprotein er í blöndunni þar sem það getur valdið magaþemdu hjá mörgum einstaklingum.

PROMAX inniheldur vöðvastuðningsblöndu "Nitrogain" sem er blanda NAC, Taurine, Chromium Polynicotinate og Glutamin peptides.

Vegna góðrar virkni sinnar er PROMAX orðinn leiðandi valkostur hjá þekktu íþróttafólki og fólki sem ástundar hvers konar íþróttir og hreyfingu. PROMAX er mest seldi proteinblandan í Bretlandi og nú meðal viðskiptavina HREYSTI.

PROMAX blandast og bragðast vel, fæst í 6 bragðtegundum auk PROMAX natural sem ekki er bragðbætt og án viðbættra aukaefna.

Allar framleiðsluvörur MAXIMUSCLE eru framleiddar eftir ströngum gæðastöðlum og eru með ISO17025 vottun.



KORTEK.IS · Ljósmynd: Jon Páll Vilhelmsen



allt fyrir kroppinn
HREYSTI
Skeifunni 19 - S. 568 1717

Kíktu á nýja og betri netverslun www.hreysti.is

BANKHÓLFID

Andrés vill góð samskipti

Kreppuástandið kemur ekki í veg fyrir að enn stofni athafnasamir menn fyrirtæki og freisti þess að ná árangri í atvinnulíf-inu upp á eigin spýtur. Andrés Jónsson, sem starfað hefur við blaðamennsku, markaðsmál og almannatengsl um nokkurt skeið, hefur nú stofnað sitt eigið fyrirtæki, Góð samskipti.

Andrés, sem var einn af stofnendum vefrísins Eyjunnar, hefur undanfarið starfað sem kynningarstjóri B&L, en lætur nú af þeim störfum. Nýtt fyrirtæki tekur þó við almannatengslum fyrir bifreiðaumboðið, en Andrés segist hjartsýnn geta bætt við sig fleiri skjólstæðingum. Og hver verða helstu verkefni fyrirtækisins? Jú, almannatengsl, fjölmiðlasamskipti, þjálfun í framkomu, atburðastjórnun og gerð kynningarefnis.



Í atvinnuleit

Menn spyrja sig nú hverjir taki við forstjórastólum í Orkuveitu Reykjavíkur og Landsvirkjun. Sem kunnugt er hafa stjórnir þessara fyrirtækja, fólk sem situr í umboði kjósenda, ákveðið að nöfn umsækjenda verði ekki birt. Þeir sem sæmilega fylgjast með telja að Hjörleifur Kvaran sé líklegur til að stýra áfram Orkuveitunni. Um Landsvirkjun sé meiri óvissa, en þangað fari vafalaust sjálfstæðismaður. Einn viðmælandi Markaðarins sagði að nóg af þeim væri í atvinnuleit. Erfiðara væri hins vegar að spá í úr hvaða fylkingu flokksins viðkomandi kæmi. Meðal nafna sem hvíslað er í eyru Markaðarins eru Ingimundur Sigurpálsson, núverandi stjórnarformaður, Ásdís Halla Bragadóttir, Tómas Már Sigurðsson, forstjóri Alcoa hér á landi, að ógleymdum Árna Mathiesen, sem raunar segist ekki vera á förum úr fjármálaráðuneytinu.

Verðtryggingu eða ekki

Nokkur umræða hefur orðið um ágæti þess að verðtryggja lán, en kannanir sýna orðið mikla andstöðu við lánaformið. Í Öðrum sálum Vísbendingar rifjar Benedikt Jóhannesson upp að neytendur hafi haft af því mikinn hag þegar hér var tekin upp verðtrygging langtímalána, en áður hafi þau öll verið óverðtryggð og með lögbundnum hámarksvöxtum. Hann segir hægt að láta sér í léttu rúmi liggja þótt „heimalærðir alþjóðasérfræðingar og hagfræðingar“ tali óvarlega um lánaformið, en finnst alvarlegra þegar talsmaður neytenda klifrar á andstöðu við lánaformið. „Með því vinnur hann beinlínis gegn umbjóðendum sínum. Slíkt yrði hvergi liðið nema á Íslandi,“ segir í Vísbendingu.

164 þúsund pund er meðalverð fasteigna í Bretlandi, 19 þúsund pundum lægra en í fyrra, samkvæmt breska ríkisútvarpinu BBC.

3,8 prósent mælist nú verðbólga í evrulöndum, samkvæmt mælingum Eurostat, en hún hjaðnaði um 0,2 prósentustig milli mánaða.

251 kaupsamningur var gerður hér á húsnæðismarkaði í ágúst, en samdráttur frá sama tíma í fyrra nemur 70 prósentum.

Skrifstofuhúsgögn

Beyki

....á miklu betra verði!



Hnota



Hæðarstillanleg skrifborð frá kr.45.600

Kirsuber



Dönsku Prima línunni má raða saman á ótal vegu. Niðsterk og endingargóð húsgögn á mjög góðu verði, til afhendingar strax.

Hlynur



Samstæðan kr. 83.900

Hirzlan

Smiðsbúð 6 210 Garðabæ Sími 564 5040

www.hirzlan.is

Hvers vegna PwC?

*connectedthinking

Þekkingarfyrirtæki í fremstu röð á Íslandi og leiðandi á alþjóðavettvangi.

● Endurskoðun ● Fyrirtækjaráðgjöf ● Skatta- og lögfræðiráðgjöf

Reykjavík - Akureyri - Húsavík - Selfoss - Reykjanesbær www.pwc.com/is

PRICEWATERHOUSECOOPERS